



Dô che la squadra di Under 15 dl Val Badia, alenada da Miribung Eppe, à batü tla semifinale a Eppan le Ridnanuntal por 2 a ,1 esi ruvà te finale cuntra la squadra da Jenesien. La finala é gnüda sogada inier ai 10.06.2012 a San Scimun. Dô na gran partida, combatüda cina ala fin, à davagné i ladins ai rigori.

Dan en gran publico à i sogadusc ladins mostrè en bel jüch, cun beles aziuns. Mo ince sce i sogadusc dla Val Badia á dominé da mëter man dla partida ne esi nia bogn da sbloché le resultat tl prüm tēmp. Marco Sottara à na gran oportunité a mesa le prüm tēmp: sön en bel cros dala fascia ite röiel bel da su sön le pal, le bel colp de cé rōia de pūch sura porta fora. I sogadusc ladins pro deplü iadi cun tiri dalunc, mo la pala ne ó nia jí ite. I sogadusc da Jenesien prô plü co ater sön i "contropiedi" mo la buna difesa cun le portier dla Val Badia é trêš bogn da intervení. Le prüm tēmp se stlusc jö sön le 0 a 0. Tl secundo tēmp é Jenesien che vëgn plü prigorius; insciö ti garetel ince le prüm gol. Na bela poniziun rōia al portier, mo la pala ti sciampa fora dles mans, en gol cun na gran desfortüna, ince por via dl campo dër mol y dl pal che ne ê nia saurí da tigní sot control. Mo pūch dedô ti garetel le pareggio al Val Badia. Moling Freddy se porta jö por la fascia, al é bun da ti jí ia a deplü defensurs. Insciö röiel cuntra le portier y cun en bel tiro dlungia le palo ite portel l Val Badia sön le 1 a 1.

Dô 3 menüc é l Val Badia che se porta in vantaje. Freddy fej en bel cros ite a mez olache al rōia adalerch Sottara Marco, che cun en bel tiro de prüma el bun da trà la pala dlungia le portier ite.

Ala mesora dl secundo tēmp ti garetel prësc a Freddy l gol dl 3 a 1. Sön en calcio d'angolo el bun cun en gran stacco da ruvé sön la pala, al fej en gran colp de cé mo le portier fej en mez miracolo y é bun da salvè súa porta. Pūch dedant che la partida se rōia el ciamò Jenesien che fej le pareggio. Al rōia ite a mez en bel cros; trêi defensurs dl Val Badia ne marca nia l' unico

atacant, che é stè insciö bel su te area. Cun en bel tiro al volo el bun da mëte la pala te porta.

Ti recupero el ciàmò la Val Badia che à na gran oportunité. Freddy ti sciampa indô dala fascia ite a deplü defensurs y se porta cuntra le portier , al fej en bel tiro angolé che rōia bel avisa te porta, mo en ater sogadu dl Val Badia ó apogé la pala te porta; al ne rōia nia dërt sōn la pala y la tira demez da porta. Mo ince sce al éss atuchè la porta, fossl stè fuorigioco. Insciö se rōia la partida sōn le 2 a 2.

Pro i rigori, bel da mëter man, an odü dōs gran parades dl buniscimo portier dl Val Badia René, che ti a insciö taié les giames ai avversars. Insciö davagna la Val Badia 4 a 3 ai rigori.

Dô la partida él stè spo la musiga da San Scimun che à acompagné les squadre y inscö ince i campions dla Provinzia te campo, olàche al é stè spo la premiaziun y la festa.





Por udèi atres fotos dla partida y dla festa drüca: [FOTOS FINALA UNDER 15](#)